

16 მაისი, 2022 წელი

ერთი მხრივ, სსიპ - სახელმწიფო სერვისების განვითარების სააგენტო (შემდგომ - შემსყიდველი), წარმოდგენილი ადმინისტრაციის (დეპარტამენტი) დირექტორის მოვალეობის შემსრულებლის, თამარ მთავრიშვილის სახით და მეორე მხრივ, სსიპ - ფინანსთა სამინისტროს აკადემია (შემდგომ - მიმწოდებელი), წარმოდგენილი დირექტორის, ტარიელ ჭულუხაძის სახით, „სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ს“ ქვეპუნქტის შესაბამისად, დებენ სახელმწიფო შესყიდვის შესახებ ხელშეკრულებას.

მუხლი 1. ტერმინთა განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. ხელშეკრულება სახელმწიფო შესყიდვის შესახებ (შემდგომ - ხელშეკრულება) - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით, ასევე, მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. ხელშეკრულების ღირებულება - საერთო თანხა, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. შემსყიდველი ორგანიზაცია - (შემდგომ - შემსყიდველი) ორგანიზაცია (დაწესებულება), რომელიც ახორციელებს შესყიდვას.
- 1.4 მიმწოდებელი - პირი, რომელიც აწვდის შესყიდვის ობიექტს წინამდებარე სახელმწიფო შესყიდვის შესახებ ხელშეკრულების ფარგლებში.
- 1.5 „დღე“, „კვირა“, „თვე“ - კალენდარული დღე, კვირა, თვე.

მუხლი 2. ხელშეკრულების საგანი

- 2.1 ხელშეკრულების საგანია ტრენინგის ორგანიზებისა და ჩატარების მომსახურების სახელმწიფო შესყიდვა თემაზე „საგადასახადო დეკლარაციების შევსების წესი და პირადი აღრიცხვის ბარათი“.
- 2.2 შესყიდვის ობიექტის კლასიფიკატორის კოდი: (CPV- 80530000).

მუხლი 3. ხელშეკრულების ღირებულება

- 3.1 ხელშეკრულების საერთო ღირებულება შეადგენს 400.00 ლარს, ყველა ხარჯის, საქართველოს კანონმდებლობით გათვალისწინებული ყველა გადასახადისა (მათ შორის: დღგ) და გადასახდელის გათვალისწინებით.
- 3.2 მომსახურების ღირებულება ერთი მსმენელისათვის შეადგენს 200.00 ლარს.
- 3.3 დაფინანსების წყარო: სააგენტოს კანონმდებლობით ნებადართული შემოსავლები.

მუხლი 4. მხარეთა ვალდებულებები

4.1 მიმწოდებელი ვალდებულია:

ა) ხელშეკრულებით გათვალისწინებული პირობების შესაბამისად, სააგენტოს საბუღალტრო აღრიცხვის სამსახურის 2 თანამშრომლისათვის (თამარ ბენიაიძე, სალომე როჭიკაშვილი) 18-საათიანი სასწავლო პროგრამის ჩატარების უზრუნველყოფა, 2022 წლის 18 მაისიდან 2022 წლის 30 მაისის ჩათვლით, ონლაინ, ვიდეოკონფერენციის ჩატარების გზით შემდეგ საკითხებზე:

- სამემოსავლო გადასახადის დეკლარაციის შევსების წესი;
- განაცემთა ინფორმაციის შევსების წესი;
- ქონების გადასახადის დეკლარაციის შევსების წესი (ფიზიკური პირის ქონება, საწარმოს ქონება);
- მცირე ბიზნესის დეკლარაციის შევსების წესი;
- დღგ-ს დეკლარაციის შევსების წესი;
- მოგების დეკლარაციის შევსების წესი;

- პირადი აღრიხვის ბარათების წარმოების წესი;
- ერთიანი სახაზინო კოდი.

ბ) მომსახურების გაწევა განახორციელოს სათანადო გამოცდილების, ცოდნისა და უნარების მქონე ტრენერის მეშვეობით (ხათუნა ცხვედიანი, ანა რომანენკო);

გ) მსმენელ(ებ)ი უზრუნველყოს შესაბამისი სასწავლო მასალით (ასეთის არსებობის შემთხვევაში);

დ) სასწავლო კურსის სპეციფიკის გათვალისწინებით, ყველა აუცილებელი პირობის დაკმაყოფილების შემთხვევაში სასწავლო პროცესების დასრულების შემდგომ გასცეს შესაბამისი კურსის გავლის დამადასტურებელი სერთიფიკატი მსმენელის მიერ, სასწავლო პროგრამის (სასწავლო ხასიათის პროექტის) მხოლოდ „სასწავლო პროცესების მარეგულირებელი ინსტრუქციით“ დადგენილი ზღვარის გადალახვის შემთხვევაში;

განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

ე) ხელშეკრულებასთან დაკავშირებული ნებისმიერი ინფორმაცია მიაწოდოს შემსყიდველს წერილობით;

ვ) ხელი შეუწყოს შემსყიდველს ინსპექტირების განხორციელებისას;

ზ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2 შემსყიდველი ვალდებულია:

ა) აუნაზღაუროს მიმწოდებელს ხელშეკრულების ღირებულება წინამდებარე ხელშეკრულების მე-7 მუხლის შესაბამისად;

გ) განახორციელოს ამ ხელშეკრულებით მასზე დაკისრებული სხვა ვალდებულებები.

მუხლი 5. ხელშეკრულების შესრულების კონტროლი

5.1 შემსყიდველის მხრიდან შესყიდვების კონტროლს (ინსპექტირებას) განახორციელებს სააგენტოს საბუღალტრო სამსახურის უფროსის მოვალეობის შემსრულებელი, სალომე როჭიკაშვილი, ხოლო ხელშეკრულების შესრულების კონტროლს განახორციელებს შესყიდვების სამსახურის მთავარი სპეციალისტის მოვალეობის შემსრულებელი, მარიამ ბერკაცაშვილი.

5.2 მიმწოდებლის მხრიდან მიღება-ჩაბარების აქტზე ხელმოწერაზე უფლებამოსილი პირია სსიპ - ფინანსთა სამინისტროს აკადემიის დირექტორის მოადგილე, გიორგი რაზმაძე.

5.3 შესყიდვის ობიექტის მიწოდების შემდეგ გაფორმდება მიღება-ჩაბარების აქტი, სადაც დაფიქსირდება მიმწოდებლის მიერ ნაკისრი ვალდებულებების შესრულების შესაბამისობა წინამდებარე ხელშეკრულების პირობებთან.

5.4 ხელშეკრულების პირობებთან შესაბამისობის დადგენის მიზნით, შემსყიდველი უფლებამოსილია საქონლის მოწოდების ნებისმიერ ეტაპზე, საკუთარი ხარჯით, მის მიერ შერჩეული მეთოდით შეამოწმოს მოწოდებული საქონლის ხარისხი ნებისმიერ დროს.

მუხლი 6. შესყიდვის ობიექტის მიღება-ჩაბარების წესი

6.1 მიწოდებული მომსახურების მიღება-ჩაბარება ხორციელდება შემსყიდველის მხრიდან ინსპექტირების განმახორციელებელი პირების მონაწილეობით, მიღება-ჩაბარების აქტის გაფორმებით, სადაც მითითება მიწოდებული საქონლის დასახელება, რაოდენობა და ფასი.

6.2 გაწეულ მომსახურებასთან ერთად მიმწოდებელმა შემსყიდველს უნდა მიაწოდოს შემდეგი დოკუმენტაცია: საგადასახადო ანგარიშ-ფაქტურა, შესყიდვის ობიექტის დასახელების, ერთეულის ფასის და საერთო ღირებულების მითითებით.

6.3 პასუხისმგებლობა აღნიშნული დოკუმენტების დაგვიანებით მიღების შედეგად შემსყიდველისთვის წარმოქმნილი ყველა ხარჯისთვის ეკისრება მიმწოდებელს.

6.4 საქართველოს კანონმდებლობით გათვალისწინებული საგადასახადო ანგარიშ-ფაქტურის მიუღებლობის შემთხვევაში შემსყიდველს უფლება აქვს უარი თქვას ანგარიშსწორებაზე.

6.5 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნით გაწეული მომსახურება, მიმწოდებელი ვალდებულია წერილობითი შეტყობინებიდან 5 (ხუთი) სამუშაო დღეში გამოასწოროს წუნს ან, თუ წუნის გამოსწორება

შეუძლებელია და შემსყიდველს უკვე გადახდილი აქვს მომსახურების ღირებულება დაუბრუნოს შემსყიდველს აღნიშნული მომსახურების ღირებულება.

მუხლი 7. ანგარიშსწორება

ანგარიშსწორება განხორციელდება უნაღდო ანგარიშსწორებით, ეროვნულ ვალუტაში (ლარი), მითითებული მიმწოდებლის საბანკო რეკვიზიტების შესაბამისად, ფაქტობრივად მიღებული საქონლის მიხედვით, მიღება-ჩაბარების აქტისა და შესაბამისი საგადასახადო ანგარიშფაქტურის (კანონმდებლობით დადგენილ შემთხვევაში) წარმოდგენიდან 10 (ათი) სამუშაო დღის ვადაში.

მუხლი 8. ფასები

8.1 ხელშეკრულებაში დაფიქსირებული ფასები შეიძლება გადაისინჯოს და მოხდეს ფასების შეცვლა მხარეებს შორის გაფორმებული ურთიერთშეთანხმების საფუძველზე შემდეგ შემთხვევებში:

- ა) საგადასახადო რეჟიმის შეცვლა;
- ბ) ინფლაციის მაღალი დონე;
- გ) საქონლის საბაზრო ღირებულების არსებითი ცვლილება.

8.2 ეს მუხლი მოქმედებს იმ შემთხვევაში, თუ ფასის ცვლილება აჭარბებს 5%-ს და არ აღემატება 10%-ს.

მუხლი 9. ხელშეკრულების პირობების შეუსრულებლობა

9.1. თუ მიმწოდებელი უხეშად არღვევს ხელშეკრულების პირობებს, შემსყიდველი წერილობით აფრთხილებს მიმწოდებელს, რათა დაიცვას ხელშეკრულების პირობები. თუ მიმწოდებელი, გაფრთხილების (შემსყიდველის მიერ მითითებულ გონივრულ ვადაში) შემდეგაც, არ ასრულებს ნაკისრ ვალდებულებებს, შემსყიდველს უფლება აქვს ცალმხრივად შეწყვიტოს ხელშეკრულება და დააკისროს ხელშეკრულებით გათვალისწინებული ვალდებულებების შეუსრულებლობით გამოწვეული ზიანის ანაზღაურება საქართველოში მოქმედი კანონმდებლობის შესაბამისად.

9.2. შემსყიდველს აგრეთვე, უფლება აქვს ცალმხრივად შეწყვიტოს ხელშეკრულების მოქმედება, მიმწოდებლისთვის შეწყვეტის შესახებ წერილობითი შეტყობინების გაგზავნის საფუძველზე:

- ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- ბ) მიმწოდებლის გაკოტრების შემთხვევაში;
- გ) საქართველოს კანონმდებლობით გათვალისწინებულ სხვა შემთხვევებში.

9.3. მხარეებს წინამდებარე ხელშეკრულებით გათვალისწინებული ვადების დარღვევის შემთხვევაში დაეკისრებათ პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0.02%-ის ოდენობით;

9.4. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 5%-ს, შემსყიდველს უფლება აქვს შეწყვიტოს ხელშეკრულება.

9.5. საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

9.6. პირგასამტეხლოს გამოთვლისას არ გამოიანგარიშება ინსპექტირებისთვის გახარჯული დრო.

9.7. გამოვლენილი დეფექტის აღმოფხვრასთან დაკავშირებით (მიმდინარე და ასევე უკვე შესრულებული ეტაპების მიხედვით) ინსპექტირების ჯგუფის მიერ თავდაპირველად განსაზღვრულ და შემსყიდველთან შეთანხმებულ ვადაზე (ხელშეკრულების 6.5 პუნქტი) არ ვრცელდება საჯარიმო სანქციები.

მუხლი 10. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან და მოქმედებს 2022 წლის 30 ივნისის ჩათვლით.

მუხლი 11. ხელშეკრულების პირობების გადასინჯვის შესაძლებლობა

11.1 წინამდებარე ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს

კანონმდებლობით დადგენილი წესით.

11.2 საქართველოს სამოქალაქო კოდექსის 398–ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

11.3 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია ორი კვირით ადრე წერილობით შეატყობინოს მეორე მხარეს შესაბამისი ინფორმაცია.

მუხლი 12. ფორს-მაჟორი

12.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და მხარეები არ აგებენ პასუხს, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

12.2 „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, პანდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, მიზეზებისა და მისი შესაძლო ხანგრძლივობის შესახებ, ხოლო შეტყობინებიდან გონივრულ ვადაში წარმოადგინოს ფორსმაჟორული გარემოების დამადასტურებელი დოკუმენტი შესაბამისი კომპეტენტური ორგანოდან, რომელიც დაადასტურებს წერილში მოყვანილ გარემოებებს.

12.4 ფორსმაჟორული გარემოებების დადგომის შემთხვევაში, თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორსმაჟორული გარემოებების ზეგავლენისაგან.

12.5 ხელშეკრულების 12.3 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან, გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადამდე შეწყვიტონ ხელშეკრულების მოქმედება.

მუხლი 13. სადაო საკითხების გადაწყვეტა

13.1 ხელშეკრულების შესრულების პროცესში წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკების საფუძველზე.

13.2 თუ შემსყიდველი და მიმწოდებელი მოლაპარაკების დაწყებიდან 30 (ოცდაათი) დღის განმავლობაში ვერ მიაღწევნ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

მუხლი 14. სხვა პირობები

14.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე. გათვალისწინებული უფლება-მოვალეობანი. დაუშვებელია ხელშეკრულებაში მიმწოდებლის ჩანაცვლება, გარდა საქართველოს კანონმდებლობით გათვალისწინებული შემთხვევებისა (ორგანიზაციის შერწყმა, გაყოფა და სხვ.).

14.2 ხელშეკრულება შედგენილია ქართულ ენაზე, მატერიალურად ხელმოწერის შემთხვევაში ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან, ხოლო ერთი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 15. მხარეთა იურიდიული მისამართები და რეკვიზიტები

შემსყიდველი:

**სსიპ - სახელმწიფო სერვისების განვითარების
სააგენტო**, წარმოდგენილი ადმინისტრაციის
(დეპარტამენტი) დირექტორის მოვალეობის
შემსრულებლის, **თამარ მთავრიშვილის** სახით,
მისამართი: ქ. თბილისი, სანაპიროს ქ. №2
საბანკო რეკვიზიტები:
ანგ.: NGE024NB0330100200165022
სახელმწიფო ხაზინა, კოდი: TRESGE22,
ს/კ – 202307404

მიმწოდებელი:

სსიპ - ფინანსთა სამინისტროს აკადემია
წარმოდგენილი დირექტორის,
ტარიელ ჭულუხაძის სახით,
მისამართი: ქ. თბილისი, გორგასლის ქ. №10
საბანკო რეკვიზიტები:
ხაზინის ერთიანი ანგარიში,
ბანკი: სახელმწიფო ხაზინა, ბანკის კოდი: TRESGE22,
მიმღების ანგარიში: № 707967150
ს/კ – 206348987

ხელწერილი ინტერესთა კონფლიქტის არ არსებობის შესახებ

16 მაისი, 2022 წელი

ვადასტურებ, რომ “სახელმწიფო შესყიდვების შესახებ” საქართველოს კანონის მე-8 მუხლის თანახმად, ტრენინგის ორგანიზებისა და ჩატარების სახელმწიფო შესყიდვასთან დაკავშირებით დადებული №02/01/22-102 ხელშეკრულების ფარგლებში, სსიპ - ფინანსთა სამინისტროს აკადემიასთან ინტერესთა კონფლიქტში არ ვიმყოფები.

ადმინისტრაციის (დეპარტამენტი) დირექტორის
მოვალეობის შემსრულებელი, თამარ მთავრიშვილი